

VINDAFJORD KONTROLLUTVAL

PROTOKOLL

Onsdag 19. februar 2014 blei det halde møte i Vindafjord kontrollutval under leiing av utvalsleiar Øyvind Haraldseid.

MØTESTAD:	Vindafjord Rådhus, formannskapsalen
MØTESTART-MØTESLUTT:	Kl. 15.00 – kl. 17.00 (inkl. pause)
MØTANDE MEDLEMER:	Øyvind Haraldseid (H), Margrete Veim (Frp), Bjørg Borgemyr (Krf) og Anders Haugland (Sp)
FORFALL:	Nils Terje Oma (Ap)
MØTANDE VARAMEDLEMER:	Ingen
IKKJE MØTT:	1. vara Peder Lothe (H)
FRÅ SEKRETARIATET MØTTE:	Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Revisor Randi Thorbjørnsen - KPMG AS
ANDRE SOM MØTTE:	Ordførar Ole Johan Vierdal
MERKNADER TIL INNKALLING:	Ingen
MERKNADER TIL SAKLISTE:	Ingen

FØLGJANDE SAKER BLEI HANDSAMA:

SAK 01/14 GODKJENNING AV PROTOKOLL FRÅ MØTE 13.11.13

Sekretariatet si innstilling:

Protokoll frå kontrollutvalsmøte 13.11.13 blir godkjent.

Handsaming i kontrollutvalet 19.02.14

Utvalet hadde ingen merknadar til protokollen.

Samrøystes vedtak i kontrollutvalet 19.02.14:

Protokoll frå kontrollutvalsmøte 13.11.13 blir godkjent slik han ligg føre.

SAK 02/14 REFERAT- OG ORIENTERINGSSAKER 19.02.14

1. Statusrapport pr. februar 2014
2. Kst-vedtak 17.11.13, sak 073/13 - oppfølging av IKA IKS
3. Årsrapport for 2013 – frå Skatteoppkrevaren i Vindafjord kommune
4. Skatterekneskapen for 2013
5. Rapport frå NKRF-konferansen, munnleg v/sekretær
6. Oversikt over statlege tilsyn i 2014 – frå Fylkesmannen i Rogaland
7. Møtet er satt! – handbok i møteleiing frå KS (eige hefte)
8. Kontrollrapport 2013 frå Skatteetaten – delt ut i møtet

Handsaming i kontrollutvalet 19.02.14:

Sekretær gjorde greie for referatsakene. Utvalet stilte spørsmål og drøfta sakene undervegs. Ordføraren bidrog med aktuelle orienteringar, mellom anna om det økonomiske resultatet for kommunen i 2013. Det låg ann til å bli svært bra, med et driftsresultat på rundt 8 %. Kontrollrapport 2013 vedkomande skatteoppkrevjarfunksjonen for Vindafjord kommune frå Skatteetaten blei delt ut i møtet.

Samrøystes vedtak i kontrollutvalet 19.02.14:

Kontrollutvalet tek referatsakene 1 – 8 til orientering.

SAK 03/14 ÅRSMELDING FOR KONTROLLUTVALET 2013

Sekretariatet sitt framlegg til vedtak og innstilling til kommunestyret:

Kontrollutvalet godkjenner årsmeldinga for 2013.
Vindafjord kommunestyre tek årsmeldinga for 2013 frå kontrollutvalet til orientering.

Handsaming i kontrollutvalet 19.02.14:

Utvalet gjorde merksam på at Anders Haugland også sit i kommunestyret. Sekretariatet rettar opp dette før oversending. Medlemmene var elles nøgd med årsmeldinga slik den var framlagd.

Samrøystes vedtak i kontrollutvalet 19.02.14:

Kontrollutvalet godkjenner årsmeldinga for 2013 med nemnde korrigerings.

Innstilling til kommunestyret:

Vindafjord kommunestyre tek årsmeldinga for 2013 frå kontrollutvalet til orientering.

SAK 04/14 VAL/BESTILLING AV FORVALTNINGREVISJONS- PROSJEKT

Sekretariatet sitt framlegg til vedtak:

Alternativ 1

Vindafjord kontrollutval ber KPMG utarbeide ein prosjektplan om følgjande prosjekt «xxxx» til neste møte i utvalet.

eller

Alternativ 2

Vindafjord kontrollutval tingar ein forvaltningsrevisjonsrapport frå KPMG om «Samordning av tenester» i følgje prosjektplan av 15.12.13 og innanfor ei ramme på 220 timar.

Handsaming i kontrollutvalet 19.02.14:

Leiar orienterte om kvifor han ikkje hadde godkjent den prosjektplanen KPMG hadde utarbeidd i tråd med vedtaket frå førre møtet. Han meinte problemstillingane blei for snevret sett i lys av kostnadane. Han refererte også frå ein samtale med ordføraren om saka.

Leiar meinte at ein revisjon av teknisk sektor var meir aktuell. Ordføraren støtta framlegget. Utvalet drøfta leiar sitt framlegg og blei samde om å velja eit nytt prosjekt, og at dette skulle vere innanfor teknisk sektor.

Revisor opplyste at dei ville fakturera for det arbeidet dei hadde hatt med prosjektplanen om «Samordning av tenester». Noko utvalet aksepterte.

Utvalet kom med innspel om kva område som revisjonen burde sjå nærare på: sakshandsaming, rutinar rundt anbod, intern organisering og kommunikasjon, korleis betre tilliten frå publikum.

Utvalet var samde om at leiar fekk mynde til å godkjenne prosjektplanen, men medlemmene skulle få den til uttale fyst.

Samrøystes vedtak i kontrollutvalet 19.02.14:

Alternativ 1

Vindafjord kontrollutval ber KPMG utarbeide ein prosjektplan om følgjande prosjekt: «Teknisk sektor, tenesteområda areal og forvaltning og kommunaltekniske tenester».

Leiar får mynde til å godkjenne prosjektplanen etter samråd med medlemmene.

SAK 05/14 OPPFØLGING AV RAPPORT FRÅ FORVALTNINGS-REVISJON – ØYANE ASVO AS

Sekretariatet sitt framlegg til vedtak og innstilling til kommunestyret:

Vindafjord kommunestyre tar tilbakemeldinga frå Øyane ASVO AS når det gjeld oppfølging av forvaltningsrevisjonsrapport til orientering.

Handsaming i kontrollutvalet 19.02.14:

Sekretær innleia kort om saka. Ordføraren orienterte om utviklinga i selskapet og at det jamleg var eigarmøter. Selskapet hadde hatt stor fokus på å minke kostnadene og kanskje litt lite fokus på å skaffe nye kontraktar. Ordføraren meinte at både dagleg leiar og styret jobba bra for å betre situasjonen i selskapet. Utvalet hadde nokre spørsmål undervegs men elles ingen merknader.

Samrøystes vedtak i kontrollutvalet 19.02.14 og innstilling til kommunestyret:

Vindafjord kommunestyre tar tilbakemeldinga frå Øyane ASVO AS når det gjeld oppfølging av forvaltningsrevisjonsrapport til orientering.

EVENTUELT:

Ingen saker blei meldt.

Neste møte: 14.05.14, kl. 15.00

Ølen/Aksdal, 19.02.14

Øyvind Haraldseid
Kontrollutvalsleiar



Odd Gunnar Høie
Utvalssekretær